

| | | | |
|------------|---|-------------|---------------------|
| Headline | Zakat Sedunia bantu negara Islam miskin | | |
| MediaTitle | Berita Harian | | |
| Date | 23 Nov 2011 | Color | Black/white |
| Section | Nasional | Circulation | 192,982 |
| Page No | 11 | Readership | 1,521,000 |
| Language | Malay | ArticleSize | 183 cm ² |
| Journalist | N/A | AdValue | RM 5,183 |
| Frequency | Daily | PR Value | RM 15,549 |



Zakat Sedunia bantu negara Islam miskin

JAWHAR usaha kumpul dana ubah nasib Muslim

Oleh **Nor Fariza Ramlan**
norfariza@bharian.com.my

KUALA LUMPUR: Nasib fakir miskin di negara bergolak seperti Somalia, Palestin dan Afghanistan akan lebih terbela apabila usaha merealisasikan Pertubuhan Zakat Sedunia (WZO) sedang dirangka bagi mengubah kehidupan umat Islam di seluruh dunia.

Menteri di Jabatan Perdana Menteri, Datuk Seri Jamil Khir Baharom, berkata kerajaan melalui Jabatan Wakaf, Zakat dan Haji (JAWHAR) berusaha mengumpulkan dana bagi memastikan fungsi menyalurkan bantuan itu dapat dimulakan secepat mungkin.

"Ia sedang diusahakan secara bersama dengan 18 negara lain, malah buat masa ini matlamat utama adalah mengenalpasti negara yang boleh dijadikan penyumbang bagi dana pertubuhan ini.

"Usaha ini diharap dapat mengubah nasib saudara Islam seluruh dunia, terutama mereka yang sedang menghadapi krisis disamping meningkatkan ekonomi ummah," katanya selepas merasmikan Persidangan Zakat Universiti-Universiti Sedunia (WU1ZC) yang julung kali diadakan.

Turut hadir, Timbalan Menteri di Jabatan Perdana Menteri, Datuk Dr

Mashitah Ibrahim; Ketua Pengarah JAWHAR, Datuk Anan C Mohd dan Timbalan Naib Canselor Hal Ehwal Pelajar dan Alumni Universiti Teknologi Mara (UiTM), Prof Datuk Dr Abdullah Mohd Said.

Seminar tiga hari bermula semalam bagi membincangkan mengenai transformasi zakat melalui pendekatan kreatif dan inovatif.

"Banyak aspek perlu dibincangkan mengenai zakat, bagaimana menyelesaikan masalah fakir miskin yang berbeza keperluan dan juga keunikan konteks zakat dalam negara ini sendiri.

"Kertas kerja yang dibentangkan pada persidangan ini perlu dicontohi dan konkrit bagi diguna pakai dalam secara realiti," katanya.

Katanya, selain itu satu data menyeluruh mengenai setiap penerima bantuan dalam negara perlu diwujudkan bagi memastikan pengagihan bantuan dapat diberi dengan seadilnya.



Usaha ini diharap dapat mengubah nasib saudara Islam seluruh dunia, terutama mereka yang menghadapi krisis disamping meningkatkan ekonomi ummah

Jamil Khir Baharom
Menteri di Jabatan Perdana Menteri